

НЭ'МА ЙУН'ЭННАЙЭ ПЕШЬН

Пешготьна институте

Ньвиск'ар хвэха наве хвэ нэ'меда надэ, ле ль гора ван шэ'дед сэдсалийед пешьнда хөдане ве нэ'ме Йун'энна^ф йэ, ава готи хут эв Йун'энна йэ, йе кө «Мьзгинийа ль гора Йун'энна» ньвисийэ. Йун'энна ве нэ'меда сэр дө мэрэма сэкьнийэ:

1. Дьл дьдэ бэр хвэндэвана, кө йэктийа Хвэде у Көр'е ви Иса Мэсигда бьжин.
2. Хвэндэван мьрати хвэ бьн, кө пэй хинкьрьнед шаш нэчн, к'ижан йэктийа т'эв Хвэде хьраб дькьн.

Ль гора дитьна ван дэрсдаред шаш, хэр тыштед кө ве дьнеда бэрч'э'ва нэ, эв хьраб ьн, т'эне тыштед р'öh'ани қэнц ьн у тыштед физики у р'öh'ани нькарьн бьгьнижьнэ һэв кө бьбьн йэк. Лэма жи вана бь ве фькьра хвэ нькарьбу бавэр бькьра, кө Исайте Көр'е^ф Хвэде бь хун у гошт һатийэ ве дьне, өса жи эв нькарьбу бьмьра. Сэрда жи ван дэрсдара хин дькьр, кө һынге мэрвь^ф дьгьнижэ хьлазбуне^ф, гава т'эвқе хвэ жь дьне дьрқетинэ. Вана бавэр дькьр, кө йед р'öh'ани дькарьн хэр щур'э бенамуси у к'ефед хвэш дэрбаз кьн, чьмки һэлэқэтийа р'öh' т'эви қальб т'өнэ у р'öh' наһ'эр'ьмэ. Сэдсалийа йэке һ'эта сьсийада эв хинкьрьна «гьностикийе» дьһатэ бэлакьрьне.

Шанди^ф зэлал дьбежэ кө Мэсиг р'аст бу мэри. Эве кө ве йэке қэбул накэ, вэки Иса Мэсиг бэдэна инсенда һатэ дьне, эв жь Р'öh'е Хвэде хэбэр надэ, ле эв жь эк'симэсиг э (4:3). Зар'ед Хвэдейэ р'аст һьндава һэвда р'астийе у

h'ызкърьнеда дьминьн, ле «йе кӧ h'ыз накэ эw Хwэде нас накэ, чьмки Хwэде h'ызкърьн э» (4:8).

Сэрэщэма фькьра нэ'ме

Пешготьн (1:1-4)

Р'онайи у тэ'ри (1:5-2:29)

Зар'ед Хwэде у зар'ед Мирещьн^ф (3:1-24)

Р'асти у нэр'асти (4:1-6)

Борще h'ызкърьне (4:7-21)

Бавэрийа сэрк'эти (5:1-21)

Хэбэра жийине

1 ¹ Эм сэр we йэке wэр'а дьбежьн, чь кӧ сэре серида hэбу, мэ эw йэк бьхист, бь ч'э'ве хwэ дит, ль wi ньхер'и у дэст данэ wi: Эw Хэбэра жийине йэ. ² Жийин э'йан бу, мэ эw дит, эм шэ'дэтийе дьдьн у бона we жийина^ф h'эта-h'этайе wэр'а дьбежьн, йа кӧ щэм Баве^ф бу у мэва э'йан бу. ³ Эw тыште кӧ мэ дит у бьхист эм wэр'а жи дьбежьн, wэки hун жи мэва т'эвгьредайи бьн у эв т'эвгьредана мэ жи т'эви Бав у Кӧр'е wi Иса Мэсиh э. ⁴ Эм ван тышта wэр'а дньвисьн, wэки шабуна мэ* т'эмам бэ.

Хwэде р'онайи йэ: Эм нава р'онайийа wiда hэр'ьн

⁵ Эв э эw готьна кӧ мэ жь wi бьхист у э'лами wэ дькьн, кӧ Хwэде р'онайи йэ у тӧ тэ'ри wiда тӧнэ. ⁶ hэгэр эм бежьн: «Эм Хwэдева т'эвгьредайи нэ», ле тэ'рийеда бьгэр'ьн, эм дэрэwa дькьн у р'астийе накьн. ⁷ Ле hэгэр

* 1:4 Нав дэстньвисаред hьнэкада дэwса «мэ» «wэ» hэйэ.

эм р'онайеда бьгэр'ьн, чава кө эв р'онайеда йә, әме һәвва т'эвгьредайи бьн у хуна Исайте Көр'е ви ве мә жь һ'әму гөна^Ф пақьж кә. ⁸ һәгәр әм бежьн: «Гөне^Ф мә т'өнә», әм хвәха хвә дьхапийн у р'асти нава мәда т'өнә. ⁹ Ле һәгәр әм гөнед хвә бьдьянә р'уйе хвә, эв хвәйе созе хвә йә у һәқийе дькә, ве гөнед мә бьбахшинә у мә жь һ'әму нәһәқийа пақьж кә. ¹⁰ һәгәр әм бежьн: «Мә гөнә нәкьрийә», әм ви дәрәвин дәрдьхьн у хәбәра ви нә нава мәда йә.

Иса Мәсиһ пыштгьре мә йә

2 ¹ Зар'окед мьн, эз ве йәке вәр'а дьянвьсым, вәки хун гөна нәкьн, ле һәгәр йәк гөнә бькә, ль щәм Баве пыштгьре мә, Иса Мәсиһ, Йе һәқ һәйә. ² Эв ә мәщала бахшандьяна гөнед мә у нә кө т'әне гөнед мә, ле гөнед т'әмамийа дьянайе жи.

³ Бь ве йәке әм заньн кө әм ви нас дькьн, һәгәр әм т'әмийед ви бьқәдиньн. ⁴ Йе кө дьбежә: «Эз ви нас дькьм», ле т'әмийед ви нақәдинә, эв дәрәвин ә у р'асти нава вида т'өнәйә. ⁵ Ле йе кө хәбәра ви дьқәдинә, һ'ьзкьрьна Хвәде р'аст нава вида т'әмам ә. Бь ве йәке әм заньн кө әм нава вида нә: ⁶ Эве кө дьбежә: «Эз нава вида мә», гәрәке өса бьжи, чава Иса жит.

Т'әмийа ну

⁷ Дәлално, нә кө т'әмикә ну эз вәр'а дьянвьсым, ле ве т'әмийа кәвьнә кө хун бәре пешда заньн. Т'әмийа кәвьн эв хәбәр ә, йа кө вә пешда бьһистийә. ⁸ Ле бәле т'әмикә ну эз вәр'а дьянвьсым, кө р'астийа ве йәке чава нава вида хөйа дьбә, өса жи нава вәда. Чьмки тәри дәрбаз дьбә у р'онайа р'аст иди р'онайе дьдә.

⁹ Эве кӧ дьбежэ: «Эз нава р'онайеда мӧ», ле бьре ви бэр ч'э'ва р'эш э, эв һала һе нава тэ'рийеда йӧ. ¹⁰ Эве кӧ бьре хвӧ һ'ыз дькӧ, нава р'онайеда дьминӧ у набӧ сӧбӧб, кӧ һнӧк жь р'е бьк'эвн». ¹¹ Ле эве, кӧ бьре ви бэр ч'э'ва р'эш э, эв нава тэ'рийеда йӧ, нава тэ'рийеда дьгэр'э у ньзанӧ к'ӧда дьчӧ, чьмки тэ'рийе ч'э'вед ви кор кьрнӧ.

¹² Эз вэр'а дьньвисьм, зар'окно,
чьмки бь сайа наве ви гӧнед вӧ афу^ф бунӧ.

¹³ Эз вэр'а дьньвисьм, бавно,
чьмки хун ви нас дькьн, йе кӧ бӧре пешда һӧйӧ.
Эз вэр'а дьньвисьм, щаһьлно,
чьмки хун сэр Йе Хьраб к'этьн.

¹⁴ Эз вэр'а дьньвисьм хьшимно,
чьмки хун Баве нас дькьн.
Эз вэр'а дьньвисьм, бавно,
чьмки хун ви нас дькьн, йе кӧ бӧре пешда һӧбу.
Эз вэр'а дьньвисьм, щаһьлно,
чьмки хун қәват ын
у хӧбӧра Хвӧде нава вӧда дьминӧ
у сэр Йе Хьраб к'этьнӧ.

Дьнйайе һ'ыз нӧкьн

¹⁵ Дьнйайе һ'ыз нӧкьн, нӧ жи ван тыштед кӧ дьнйайеда нӧ. һӧгэр йӧк дьнйайе һ'ыз дькӧ, һ'ызкьрна Баве нава вида т'ӧнӧ. ¹⁶ Чьмки һӧр тыштед кӧ дьнйайеда нӧ, дьлһавьжи, ч'э'вһавьжи у к'ӧбар-бабахийа ви э'мьри йӧ, эв нӧ жь Баве нӧ, ле жь ве дьнйайе нӧ. ¹⁷ Дьнйайе жи дӧрбаз бӧ, һавьжийа ве жи, ле эве кӧ э'мьре Хвӧде дьрӧдинӧ ве һ'эга-һ'эгайе бьминӧ.

* 2:10 Аһа жи те фӧмкьрне: «У набӧ сӧбӧб, кӧ эв жь р'е бьк'эвӧ».

Һ'эвза хвэ жь эх'симәсиһа бькын

¹⁸ Зар'но, ва вәхте ахьрийе йә. У чава вә бһистийә кә эх'симәсиһ we бе, иди гәләк эх'симәсиһ натһнә. Жь we йәке жи әм занһн кә вәхте ахьрийе йә. ¹⁹ һьнәк жь нава мә дәрк'әтһн, ле әв нә жь мә бун. һәгәр әв жь мә буна, we т'әви мә бьмана. Ле әв жь нава мә дәрк'әтһн, кә ә'йан бә, әв һ'әму нә жь мә бун.

²⁰ Ле вә жь Мәсиһе^Ф Пироз^Ф Р'өһ' п'ешк'еш^Ф стандийә* у һун һ'әму** жи р'астийе занһн. ²¹ Әз вәр'а наньвисьм, чава кә һун р'астийе ньзанһн, ле чава кә һун we йәке занһн, өса жи занһн кә һәр дәрәв нә жь р'астийе йә. ²² К'и йә дәрәвин? һәма әв ә, йе кә дьбежә: «Иса нә Мәсиһ ә». Әв ә эх'симәсиһ, йе кә Бав у Көр' инк'ар^Ф дькә. ²³ Әwe кә Көр' инк'ар дькә, һәләқәтийа wi т'әви Баве т'өнә. Ле йе кә Көр' идрар^Ф дькә, һәләқәтийа wi т'әви Баве һәйә.

²⁴ Ава чь кә вә пешда бһистийә, бьра әв нава вәда бьминә. һәгәр әв тыште вә пешда бһистийә нава вәда бьминә, һуне жи нава Көр' у Баведа бьминьн. ²⁵ У әв ә әв созе кә wi да мә, әв жийина һ'әта-һ'әтайе йә.

²⁶ Әз ви тышти дәрһәқа ванда вәр'а дьньвисьм, йед кә дьхвазьн вә бьхапийн. ²⁷ Ле чь дәрһәқа вәда йә, әв Р'өһ'e* кә жь Мәсиһ стандийә, нава вәда дьминә. Иди нә һ'әвщә йә, кә йәк вә һин кә, чьмки Р'өһ' бона һәр

* 2:20 Бь йунани хәбәр бь хәбәр аһа йә: «Ле һун жь Әви Пироз натһнә р'ункьрьне^Ф».

** 2:20 Нав дәстньвисаред һьнәкада аһа йә: «Һун һәр тышти (һ'әмуя) занһн».

* 2:27 Бь йунани хәбәр бь хәбәр аһа йә: «Р'ункьрын».

тышти вә һин дькә у чь кӧ һин дькә р'аст э, нә дәрәв э. Чава әви һун һинкьрһн, нав Мәсиһда ӧса бьминьһн.

Зар'ед Хвәде

²⁸ Бәле зар'окно, нава вида бьминьһн, вәки чахе әв ә'йан бә, әм жь һатьна ви вәнәк'ышьһн, ль бәр ви шәрми нәминьһн. ²⁹ һәгәр һун заньһн кӧ әв р'аст э, ӧса жи заньбьһн һәр кәсе кӧ р'астийе дькә, әв жь ви буйә.

З¹ Бьһер'һн, Баве әм чава һ'ыз кьрһн, вәки әм зар'ед Хвәде бенә готьне у р'аст жи әм әв ьһн. Ләма дьһна мә нас накә, чьмки әв жи нас нәкьр. ² Дәлално, ньһа әм зар'ед Хвәде нә у һәла һе нә ә'йан э әме бьбьһнә чь. Ле әм ве йәке заньһн кӧ чахе Иса ә'йан бә, әме бьбьһнә мина ви, чьмки әме ви ӧса бьбиньһн, чава һәйә. ³ һәр кәсе кӧ бона ве йәке гӧмана хвә данийә сәр ви, әв хвә ӧса пақьж дькә, чава кӧ Мәсиһ пақьж э.

⁴ һәр кәсе кӧ гӧнә дькә, әв Қануна Хвәде дьт'әр'ьбинә у гӧнә^ф хут қанунт'әр'ьбандьһн э. ⁵ У һун заньһн кӧ Мәсиһ бона ве йәке ә'йан бу, вәки гӧна һьлдә у нава вида гӧнә т'ӧнә. ⁶ һәр кәсе кӧ нава вида дьминә, әв нава гӧнада наминә, ле һәр кәсе кӧ нава гӧнада дьминә, әви нә әв дитийә, нә жи нас кьрийә.

⁷ Зар'окно, бьра тӧ кәс вә нәхапинә. Йе кӧ р'астийе дькә, әв йәки р'аст э, чава Иса р'аст э. ⁸ Йе нава гӧнада дьминә, әв жь Мирещьһн э, чьмки Мирещьһн жь бәре пешда гӧнә дькә. Бона ве йәке Кӧр'е Хвәде ә'йан бу, вәки кьред Мирещьһн хьраб кә. ⁹ һәр кәсе кӧ жь Хвәде буйә, нава гӧнада наминә, чьмки бьһят'а Хвәде нава вида дьминә у әв нькарә нава гӧнада бьминә, чьмки жь Хвәде буйә. ¹⁰ Зар'ед Хвәде у зар'ед Мирещьһн бь ве йәке жь һәв

тенэ фърдикърьне: Эве кө р'астийе накэ, эв нэ жь Хвэде йэ у öса жи эве кө бьре хвэ һ'ыз накэ.

Һэвдö һ'ызкърьн у р'успитийа ль бэр Хвэде

¹¹ Эв э эв готън, йа кө вэ бэре пешда бьһистийэ: Гэрэке эм һэвдö һ'ыз бькън. ¹² Мина Қайин^ф нибън, кө жь Йе Хьраб бу у бьре хвэ көшт. У бона чь эв көшт? Чьмки къред ви хьраб бун, ле йед бьре ви қәнщ.

¹³ Эщепмайи нэминьн гэли хушк-бьра, һэгэр һун бэр ч'э'ве дьнийае р'эш бьн. ¹⁴ Эм заньн кө эм жь мьрьне дэрбази жийине бунэ, чьмки эм хушк-бьрайед хвэ һ'ыз дькън. Эве кө һ'ыз накэ, эв нава мьрьнеда дьминэ. ¹⁵ Һэр кэсе кө бьре ви бэр ч'э'ва р'эш э, эв меркөж э у һун заньн кө нава т'ö меркөжида жийина һ'эта-һ'этайе т'өнэ. ¹⁶ Эм бь ве йэке һ'ызкърьне һ'эсийан: Иса жийина хвэ бона мә да. Эм жи гэрэке жийина хвэ бона хушк-бьрайед хвэ бьдън. ¹⁷ Ле һэгэр һэбука^ф йэки ве дьне һэбэ у бьре хвэ һ'эвще тыштэки дьбинэ, дьле ви сэр нашэвътэ, һ'ызкърьна Хвэде чава дькарэ дьле вида бьминэ? ¹⁸ Зар'окно, нэ кө эм бь хэбэр йан заре хвэ һ'ыз бькън, ле бь къра у р'астийе.

¹⁹ Бь ве йэке эме заньбьн кө эм жь р'астийе нэ у бькарьбьн бь дьлэки р'ьһ'эт бэр Хвэде бьсэкьньн. ²⁰ Ле һэгэр дьле мә диса мә нэһэқ кэ, Хвэде жь дьле мә мәстър э у һэр тышти занэ. ²¹ Дэлално, һэгэр дьле мә мә нэһэқ нэкэ, эм дькарьн р'усьпи бэр Хвэде бьсэкьньн. ²² У чь кө бьхвазьн, эме жь ви бьстиньн, чьмки эм т'эмийед ви дьқэдиньн у эв тыштед кө ль ви хвэш тен, эм ван дькън. ²³ У эв э т'эмийа ви, кө эм бавэрийа^ф хвэ наве Көр'е ви Иса Мэсиһ биньн у эм һэвдö һ'ыз бькън, чава кө эви т'эми ль мә кър. ²⁴ У эве кө т'эмийед ви дьқэдинэ, нава

Хвәдеда дьминә у Хвәде жи нава вида. У әм жь ве йәке заньн кӧ әв нава мәда дьминә, бь ви Р'ӧһ'е кӧ әви дайә мә.

Р'ӧһ'е р'аст у р'ӧһ'е дәрәв

4 ¹ Дәлално, бавәрийа хвә һәр р'ӧһ'и нәйньн, ле ван р'ӧһ'а быщер'ьбиньн^ф, гәло әв жь Хвәде нә? Чьмки гәләк п'ехәмбәред дәрәв дәрк'әтньнә дьне. ² һун бь ве йәке дькарьн Р'ӧһ'е Хвәде нас бькьн: һәр р'ӧһ'е кӧ Иса Мәсиг бь хун у гошт һати иқрар дькә, әв жь Хвәде йә. ³ Ле һәр р'ӧһ'е кӧ Иса бь хун у гошт һати иқрар накә, әв нә жь Хвәде йә. Әв жь әк'симәсиг ә, бона к'ижани вә бьһистьбу кӧ we бе у иди әв ль дьнйайеда йә.

⁴ һун жь Хвәде нә, зар'окно у һун сәр п'ехәмбәред дәрәв к'әтньнә, чьмки әв Р'ӧһ'е нава вәда жь ви р'ӧһ'е кӧ нава дьнйайеда йә мәстър ә. ⁵ Әв жь дьнйайе нә, ләма әв жь дьнйайе хәбәр дьдьн у дьнйа гӧһдарийа ван дькә. ⁶ Әм жь Хвәде нә. Йе кӧ Хвәде нас дькә, әв гӧһдарийа мә дькә. Йе кӧ нә жь Хвәде йә, әв гӧһдарийа мә накә. Бь ве йәке әм Р'ӧһ'е р'астийе у р'ӧһ'е нәр'астийе жь һәв дәрдьхьн.

Хвәде һ'ьзкьрьн ә

⁷ Дәлално, дә әм һәвдӧ һ'ьз бькьн, чьмки һ'ьзкьрьн жь Хвәде йә у һәр кәсе кӧ һ'ьз дькә әв жь Хвәде буйә у Хвәде нас дькә. ⁸ Йе кӧ һ'ьз накә әв Хвәде нас накә, чьмки Хвәде һ'ьзкьрьн ә. ⁹ Бь ве йәке һ'ьзкьрьна Хвәде һьндава мәда хӧйа бу, гава кӧ әви Кӧр'е хвәйи Тайе Т'әне шандә дьнйайе, вәки әм бь ви бьжин. ¹⁰ һ'ьзкьрьн әв ә, нә кӧ мә Хвәде һ'ьз кьр, ле әви әм һ'ьз кьрьн у Кӧр'е хвә шанд чәва мәщала бахшандьна гӧнед мә. ¹¹ Дәлално, һәгәр Хвәде аһа әм һ'ьз кьрьн, вәки ӧса йә гәрәке әм жи

Һәвдö һ'ыз бькьн. ¹² Т'ö кәси Хwәде т'ö щара нә дитийә. Һәгәр әм һәвдö һ'ыз дькьн, Хwәде нава мәда дьминә у һ'ызкьрьна ви дьле мәда гьһиштиийә.

¹³ Бь ве йәке әм заньн кö әм нава вида дьминьн у әв жи нава мәда, чьмки әви жь ви Р'öh'e хwә дайә мә. ¹⁴ Мә дит у әм шә'дәтийе дьдьн, кö Баве Көр'e хwә шанд, wәки бьбә Хьлазкьре^Ф дьһийәе. ¹⁵ һәгәр йәк идрар дькә кö Иса Көр'e Хwәде йә, Хwәде нава вида дьминә у әв жи нава Хwәдеда. ¹⁶ Аwa әм we һ'ызкьрьна Хwәдейә һьндава хwәда нас дькьн у баwәр дькьн.

Хwәде һ'ызкьрьн ә у йе кö нава һ'ызкьрьнеда дьминә, әв нава Хwәдеда дьминә у Хwәде жи нава вида. ¹⁷ һ'ызкьрьн аһа дьле мәда гьһиштиийә, wәки Р'ожа^Ф Ахрәте әм р'усьпи бьн, чьмки Мәсиһ ве дьһийәеда чава дәрбаз кьр, öса жи әм дәрбаз дькьн*. ¹⁸ һ'ызкьрьнеда тьрс т'өнә, ле һ'ызкьрьна гьһишти тьрсе дур дьхә, чьмки тьрс хwәйищәфа йә у әве кö дьтьрсә, әв һ'ызкьрьнеда һе нәгьһиштиийә.

¹⁹ Әм һ'ыз дькьн, чьмки әви пешда әм һ'ызкьрьн. ²⁰ һәгәр йәк бежә: «Әз Хwәде һ'ыз дькьм», ле бьре ви бәр ч'ә'ва р'әш ә, әв дәрәwa дькә. һәгәр әве бьре хwә кö дьбинә һ'ыз накә, we чава бькарьбә Хwәде һ'ыз бькә кö набинә? ²¹ У әви әв т'әми дайә мә: Әwe кö Хwәде һ'ыз дькә, әв гәрәке бьре хwә жи һ'ыз бькә.

**Бь баwәрийа сәр Иса Мәсиһ
әм дьһийәе бьндәст дькьн**

5 ¹ һәр кәсе кö баwәр дькә, Иса, Мәсиһ ә, әв жь Хwәде буйә у һәр кәсе кö баве һ'ыз дькә, әв зар'а ви жи

* 4:17 Аһа жи те фә'мкьрьне: «Чьмки һәләқәтийа Мәсиһ чава т'әви Баве ви һәйә, öса жи йа мә».

h'ыз дькэ. ²Бь ве йэке эм заньн кө эм зар'ед Хwэде h'ыз дькьн, гава эм Хwэде h'ыз дькьн у т'эмийед ви дьqэдиньн. ³Чьмки бь ве йэке эм h'ызкьрьна хwэ һьндава Хwэдеда дьдьнэ к'ьфше, гава эм т'эмийед ви дьqэдиньн. У т'эмийед ви нэ гьран ьн, ⁴чьмки һэр кэсе кө жь Хwэде буйэ, дьнийайе бьндэст дькэ. У бь ви авайи эм дьнийайе бьндэст дькьн, ава готи бь бawэрийа хwэ. ⁵У эw к'и йэ, йе дьнийайе бьндэст дькэ, пештьри эwe кө бawэр дькэ, кө Иса Көр'е Хwэде йэ.

Шэ'дэтийа бона Иса Мэснһ

⁶Эва йэ, йе кө бь хун у аве һат, Иса Мэснһ,* нэ кө т'эне бь аве, ле бь хун у аве. У P'öh' э, йе кө шэ'дэтийе дьдэ, чьмки P'öh' p'асти йэ. ⁷Чьмки эв һэрсек ьн, кө шэ'дэтийе дьдьн: ⁸P'öh', ав у хун. У шэ'дэтийа ван йэк э. ⁹Һэгэр эм шэ'дэтийа мэрьва^ф qэбул дькьн, шэ'дэтийа Хwэде һе зедэ йэ, чьмки эва шэ'дэтийа Хwэде йэ, кө бона Көр'е хwэ шэ'дэти да. ¹⁰Йе кө бawэрийа хwэ Көр'е Хwэде тинэ, нава вида эв шэ'дэти һэйэ. Йе кө бawэрийа хwэ Хwэде найнэ, эw Хwэде дэрэw дэрдьхэ, чьмки бawэрийа хwэ we шэ'дэтийе найнэ, йа кө Хwэде бона Көр'е хwэ шэ'дэти да. ¹¹У эв э шэ'дэти, кө Хwэде жийина h'эта-h'этайе да мэ у эв жийин нава Көр'е вида йэ. ¹²Көр' дьле к'еда йэ, жийина ви һэйэ, ле Көр'е Хwэде дьле к'еда т'өнэ, жийина ви т'өнэ.

* 5:6 Гэлэк ве р'езе аһа фэм дькьн: «Эва йэ, йе кө бь хуна мьрьна хwэ у ава ньхомандьна хwэ, хwэ да эйанкьрьне чава Мэснһ». Ль гора һинкьрьна гьностикийе Иса чава мэри дькарьбу бьмьра, ле Мэснһ ава готи Көр'е Хwэде чава йэки р'öh'ани нькарьбу бьмьра. Эw дэрсдаред хальфи т'эне ньхомандьна вийэ пе аве qэбул дькьрьн. Йун'энна ве дэре мьqабьли we һинкьрьне ньвисийэ.

Жийина һ'эта-һ'этайе

¹³ Эз ван тышта вэр'а дньвисьм, йед кө бавэрийа хвэ наве Көр'е Хвэде тиньн, вэки һун бьзаньбын жийина вэйя һ'эта-һ'этайе һэйя. ¹⁴ Эм ль бэр Хвэде р'усьпи нэ, чьмки эм заньн, һэгэр эм тыштэки ль гора хвэстына ви же бьхвазьн, эв дэнге мә дьбьһе. ¹⁵ У һэгэр эм заньн кө эв һэр тыштед кө эм же дьхвазьн дьбьһе, өса жи эм заньн чь кө эм же дьхвазьн, эме бьстиньн.

¹⁶ һэгэр йэк бьбинэ кө бьре ви гөнэк кьрийя, ле набэ бэрбь мьрьне*, бьра бона ви дөа бькэ у Хвэде ве жийине бьдэ ви. Эз ве йэке һьндава ванда дьбежьм, к'ижанед кө гөне бэрбь мьрьне накьн. Гөнэ һэйя кө дьбэ бэрбь мьрьне. Эз набежьм, кө бона ве йэке дөа бькьн. ¹⁷ һ'эму нэһэқи гөнэ йя, ле гөнэ һэйя кө набэ бэрбь мьрьне.

¹⁸ Эм заньн һэр зар'экэ Хвэде нав гөнада наминэ, ле Ньхөрийе Хвэде ви хвэй дькэ у Йе Хьраб незики ви набэ. ¹⁹ Эм заньн кө эм жь Хвэде нэ у т'эмамия дьняйе бьн һ'өкөме Йе Хьрабда йя. ²⁰ Ле эм өса жи заньн кө Көр'е Хвэде һат у фэ'м да мә, вэки эм Йе Р'аст нас бькьн. Бэле эм нава Йе Р'астда нэ, чьмки эм нава Көр'е ви Иса Мэсиһда нэ. Эв э Хвэдеие р'аст у жийина һ'эта-һ'этайе.

²¹ Зар'окно, хвэ жь п'утп'арьстийе^ф хвэй кьн.

* 5:16 Аһа жи те фэ'мкьрьне: «Гөнэки кө накөжэ кьрийя».